

ՊԱՅՄԱՆԱԳԻՐ N 02321370  
Ռոռզման ջուր մատակարարելու

/Իրավաբանական անձ/

ք. Երևան

«30 մարտի 2026թ.

«Երևան» Ջրօգտագործողների ընկերությունը (այսուհետ՝ Ընկերություն), ի դեմս Ընկերության գործադիր տնօրեն Ս. Հարությունյանի, որը գործում է Ընկերության կանոնադրության հիման վրա, մի կողմից և Ընկերության սպասարկման Դավիթաշեն ենթամատարածքի ջրօգտագործող ՀՀ ՆԳ Նախարարության Գվարդիան (այսուհետ՝ Ջրօգտագործող) ի դեմս ՀՀ ՆԳՆ գլխավոր քարտուղարի պարտականությունները կատարող Խ.Բզիջյանի մոտ կողմից, երկուսը միասին «Կողմեր», ղեկավարվելով ՀՀ քաղաքացիական և Ջրային օրենսգրքերով, «Ջրօգտագործողների ընկերությունների և ջրօգտագործողների ընկերությունների միությունների մասին» ՀՀ օրենքով, Ընկերության կանոնադրությամբ և Ընկերության ներքին իրավական ակտերով կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. Պայմանագրի առարկան**

- 1.1 Սույն Պայմանագրի պայմաններով ռոռզման սեզոնում Ընկերությունը Ջրօգտագործողին մատակարարում է ռոռզման ջուր, իսկ Ջրօգտագործողը այն ընդունում և վճարում է:
- 1.2 Պահանջվող և մատակարարվող ռոռզման ջրի քանակը սահմանվում է Հավելված 1-ով, որը կազմվում է ըստ Ջրօգտագործողի ռոռզման ջրի պահանջարկի հայտի հիման վրա և հանդիսանում է Պայմանագրի անբաժանելի մասը, կնքվում է մինչև ռոռզման ժամանակաշրջանի սկիզբը: Այն կարող է փոփոխվել Կողմերի փոխհամաձայնությամբ:
- 1.3 Ջրօգտագործողը ընդունում է պայմանագիր ստորագրելու օրվա դրությամբ Ընկերությանը նախորդ տարիներին մատակարարված ռոռզման ջրի դիմաց իր պարտքը եթե առկա է, որը պարտավորվում է վճարել համաձայն պայմանագրի սննդամասերի մասը կազմող Հավելված 2-ի:

**2. Ռոռզման ջրի դիմաց կատարվող վճարները և մատակարարման պայմանները**

- 2.1 Ռոռզման ջրի մատակարարումը՝ հանձնումը կատարվում է Ջրօգտագործողի հողամասի սահմանագատման կետում, որը իրականացվում է Ջրօգտագործողին ջուր մատակարարող ջրատարից:
- 2.2 Կողմերի փոխհամաձայնությամբ տվյալ հերթական ռոռզման ժամկետը կարող է տեղափոխվել մեկ այլ ժամկետ, որի դեպքում նախորդ չօգտագործված ջրի քանակը չի համալրվում և չի մատակարարվում:
- 2.3 Ռոռզման ջուրը Ջրօգտագործողին մատակարարված է համարվում, Ջրօգտագործողի կողմից ռոռզման ջրի բաշխման մատայնում նրա ստորագրությամբ հաստատելով, որը հիմք է հանդիսանում ստացած ռոռզման ջրի դիմաց վճարման և փոխադարձ հաշվարկների համար:
- 2.4 Մատակարարվող ռոռզման ջուրը չափվում է հողամասի սահմանագատման կետում և հաշվառվում է խորանարդ մետրով, որի մեկ միավորի դիմաց գումարը՝ 11/տասնմեկ/դրամը սահմանում է Ընկերության ընդհանուր (ներկայացուցիչների) ժողովը: Ջրաչափումը իրականացվում է շարժական օրաչափով կամ հոսքաչափով, համաձայն ՀՀ տարածքային կառավարման նախարարի և Գյուղ. նախարարի 02.04.2007թ համատեղ թիվ 18-Ա և 77-Ա հրամանների:
- 2.5 Ջրօգտագործողը վճարում է փաստացի ստացած ռոռզման ջրի համար:
- 2.6 Տվյալ ամսվա ընթացքում ստացած ռոռզման ջրի դիմաց Ջրօգտագործողը վճարում է մինչև հաջորդող ամսվա 20-ը՝ անկանխիկ եղանակով, բանկային կամ վճարահաշվարկային ծառայություններ մատուցող կազմակերպությունների միջոցով:

**3. Կողմերի պատասխանատվությունները, իրավունքներն ու պարտականությունները**

- 3.1 **Ընկերությունն իրավունք ունի՝**
- 3.1.1 Պայմանագրով նախատեսված ժամկետում մատակարարված ջրի դիմաց վճարում չկատարելու դեպքում՝ Ջրօգտագործողի նկատմամբ կիրառել Պայմանագրով և օրենքով նախատեսված միջոցներ, համաձայն ՀՀ կառավարության 26.12.2002թ. թիվ 2121 –Ն որոշման, զգուշացնելուց հետո դադարեցնել ջրամատակարարումը:
- 3.1.2 Ջրօգտագործողի կողմից ջրելու ձևավորված հերթի խախտումով կամ ինքնագույն (ջրագողության) ճանապարհով ռոռզման ջրի օգտագործման դեպքում՝ Ջրօգտագործողի մասնակցությամբ, իսկ նրա հրաժարվելու դեպքում՝ առանց նրա մասնակցության, կազմել համապատասխան ակտ՝ նրան վարչական պատասխանատվության ենթարկելու համար կամ հանձնել Ընկերության Վեճեր լուծող Հանձնաժողովի քննարկման:
- 3.1.3 Հերթական ռոռզման ջուրը Ընկերությանը իրավունք ունի չմատակարարելու, եթե Ջրօգտագործողի կողմից ամբողջովին չի վճարվել նախորդ ամսվա մատակարարված ռոռզման ջրի դիմաց: Նախորդ ամսվա պարտքը մարելուց հետո 4/չորս/ օրվա ժամկետում ռոռզման ջրամատակարարումը վերսկսվում է:
- 3.1.4 Հայտով չնախատեսված կամ պակաս հայտավորված ռոռզման ջուրը չի մատակարարվում, այն կարգավորվում է սույն պայմանագրի կետ 3.2.4-ում սահմանված կարգով:
- 3.1.5 Պահանջել Ջրօգտագործողից հատուցելու Ընկերությանը պատճառած վնասները, չստացված եկամուտները և այն ծախսերը, որոնք Ընկերությունը կատարել է իր խախտված իրավունքները և գույքային կորուստները վերականգնելուն կամ վնասված ռոռզման համակարգը վերանորոգելու կամ մատակարարումը վերականգնելու համար:
- 3.1.6 Դատական կարգով Ջրօգտագործողից բռնագանձել չվճարված ջրի պարտքի գումարը և սույն պայմանագրի կետ 2.6-ում սահմանված վճարման ժամկետի խախտման համար տույժ՝ պարտքի գումարի օրական 0.15% , հաշվարկելով ոչ ավելի, քան 180 օր:
- 3.2 **Ջրօգտագործողն իրավունք ունի՝**
- 3.2.1 Ստանալ Հավելված 1-ով նախատեսված ծավալի ռոռզման ջուր:
- 3.2.2 Նախօրոք գրավոր պահանջել (ջրումից առնվազն 2 օր առաջ) ջրաչափություն իր հողակտորի սահմանագատման կետում:
- 3.2.3 Ջրաչափիչ-հաշվառող սարքերի բացակայության կամ տեղադրման տեխնիկայես անհնարիության դեպքերում, կողմերի համաձայնությամբ, մատակարարված ջրի ծավալը չափվում և հաշվարկվում է ջրաչափական այլ մեթոդներով՝ ըստ ջրանցքի լայնական կարվածքի մակերեսի և /կամ/ խողովակի տրամագծի, ջրի արագության ու հորիզոնի, ինչպես նաև ղեկավարվելով գյուղատնտեսական մշակաբույսերի ռոռզման նորմեր սահմանող ձեռնարկներով:

- 3.2.4 Ոռոգման սեզոնում գրավոր դիմել Ընկերությանը՝ Հայտի փոփոխության վերաբերյալ:
- 3.2.5 ՀՀ Օրենսդրությամբ սահմանված կարգով պահանջել պատճառված վնասի փոխհատուցում:
- 3.2.6 Ոռոգման շրջանում ծագած տարաձայնությունների և վիճելի հարցերով դիմել Ընկերության Վեճեր լուծող Հանձնաժողովին:

**4. Ընկերությունը պարտավորվում է՝**

- 4.1 Ջրօգտագործողին ոռոգման ջուրը մատակարարել Հավելված 1-ով նախատեսված քանակով, իսկ պակաս մատակարարված ջրի ծավալը համարել տասնօրյա ժամկետում:
- 4.2 Հատուցել իր մեղքով ջրօգտագործողին պատճառած կույթական վնասը:
- 4.3 Ջրօգտագործողի դիմումը 10/տասը/ օրվա ընթացքում քննարկել Ընկերության Վեճեր լուծող Հանձնաժողովում և նույն ժամկետում այդ մասին տեղեկացնել Ջրօգտագործող- դիմումատուին:

**5.4. Ջրօգտագործողը պարտավորվում է՝**

- 5.1 Իր միջոցներով սպասարկել անմիջականորեն իր հողակտորի սահմանագատման կետին մոտեցնող ջրատարի հատվածը (իրեն նախորդող մշակվող հողատարածքից մինչև տվյալ հողատարածքը):
- 5.2 Համաձայնեցված ժամկետում իր հողակտորի սահմանագատման կետում ստանալ ոռոգման ջուր:
- 5.3 Յուրաքանչյուր ամսվա ընթացքում մատակարարված ոռոգման ջրի դիմաց վճարը կատարել մինչև հաջորդող ամսվա 20-ը: Միաժամանակ, տալիս է իր համաձայնությունը, որպեսզի Ընկերությունը չվճարված պարտքի գումարը բռնագանձի արագացված դատաքննությամբ, վճարման կարգադրության վարույթով՝ նոտարական ակտով, հեռակա դատաքննությամբ:
- 5.4 Հողատարածքը չմշակելու և /կամ/ չորոգելու դեպքում մինչև մայիսի 15-ը դիմում ներկայացնել Ընկերություն՝ պայմանագրի գործողությունը դադարեցնելու կամ ժամանակավոր կասեցնելու համար:
- 5.5 Մինչև ոռոգվող հողատարածքի օտարումը կամ իրավահաջորդության պետական գրանցումը, մարել Ընկերության պարտքը, ձեռքբերողին կամ իրավահաջորդին փոխանցել սույն պայմանագրով ստանձնած պարտավորությունները, այդ մասին 10/տասը/օրվա ընթացքում տեղեկացնել Ընկերությանը:

**6. Վեճերի լուծման կարգը և այլ պայմաններ**

- 6.1 Սույն պայմանագրի կապակցությամբ ծագած վեճերը լուծվում են փոխհամաձայնությամբ, անարդյունավետության դեպքում՝ Ընկերության Վեճեր լուծող Հանձնաժողովի միջոցով: Բսկ անհամաձայնության դեպքերում լուծվում են դատական կարգով:
- 6.2 Պայմանագիրը կազմված է երկու հավասարազոր օրինակներից, ուժի մեջ է մտնում ստորագրելու պահից և գործում է 1տարի ժամկետով: Պայմանագրի գործողության ժամկետը համարվում է երկարացված նույն ժամկետով և պայմաններով, եթե Պայմանագրի գործողության ժամկետի ավարտից երեք ամիս առաջ կողմերից մեկը մյուսին չի դիմել այն լուծարելու համար:
- 6.3 Պայմանագիրը վաղաժամկետ կարող է փոփոխվել, լրացվել կամ լուծվել Կողմերի համաձայնությամբ կամ Կողմի նախաձեռնությամբ՝ ՀՀ քաղաքացիական օրենսգրքով նախատեսված հիմքերով և կարգով:
- 6.4 Եթե Ջրօգտագործողը պայմանագրի 5.4.3 կետում նշված ժամկետում չի վճարում տվյալ ամսվա ոռոգման ջրի դիմաց, Ընկերությունը, փոստային առարմամբ Ջրօգտագործողի նշած հասցեով, ուղարկում է Օսնուցում – Հիշեցում, որը եթե վերադարձվում է Ընկերություն կամ երկշաբաթյա ժամկետում Ընկերությունը չի ստացել հետադարձ ծանուցումը, ապա Ընկերության կողմից այդ Օսնուցման մասին տեղեկատվությունը տեղադրվում է ՀՀ ծանուցումների պաշտոնական ինտերնետային կայքում <http://www.azdarar.am/>, քստ որի 5/հինգ/-րդ օրից սկսած Ջրօգտագործողը համարվում է պատշաճ ծանուցված :

Ընկերություն  
«Երևան» ՋՕԸ

Ջրօգտագործող  
ՀՀ ներքին գործերի նախարարություն (Գվարդիա)  
(անուն, ազգանուն)

Իրավաբանական հասցե՝ ք. Երևան, Արշակունյաց 69  
Գործունեության հասցե՝ ք. Երևան, Բաղրամյան 75/44  
ՀՎՀՀ 02235077  
«Արդշինբանկ» Մալաբխա մ/ճ  
Հ/Հ 2474233158420010  
Հեռ.՝ (010) 26 -00 -88

Իրավաբանական հասցե՝ ք. Երևան, Նալբանդյան 130  
Գործունեության հասցե՝ ք. Երևան,  
Ղալիբաշեն 2-րդ թաղամաս 62/26  
ՀՎՀՀ 02882913  
Բանկ՝ ֆինան.նախ-յան գործարնական վարչության  
Հ/Հ 900011049286  
Էլ. փոստի հասցե՝  
Հեռ.

Գործադիր տնօրեն՝ Ս. Հարությունյան

Գլխավոր քարտուղարի պարտականությունները կատարող

Խ.Իզիբյան

ԿՏ



